

西域物熟節氣比中原較早故記之

止渴黃梅已得嘗充飢素椹又持將時當小滿纔初夏椹熟梅黃麥亦黃

師適有他往而雲水高人踵門者日無一二因作此

師去交朋來往稀知心還似不相知胸中有志忘人事與我真情正所宜

唯太守家李提控日逐一過

此道難行步步高時人見者謾徒勞隴西道友知何意忙裏偷閑日一遭

自詠

葆光集

二

胃集十
又文也

道藏輯要

世念如今已不生惟思道德未精誠蒙師訓教經千百是處無過苦已行

段公覓得小魚放生

乞得纖鱗免受烹放歸溪水任遊行莫言他日成鯨去目下從容也暢情

寶玄堂作

出門開眼見西山只爲緣輕未得還身在葆光雖散誕此心常憶白雲間

和陳學士

西山終日有雲烟只爲人心未了然誰肯迴頭林下問本來面

目是真仙

和趙講師

休向心田挂一毫
囑君四句記來牢
眾中不見他人過
便許先生道德高

劉宣差病索詩

欲求輕健得安然
試伴長春向寶玄
百日消疎如肯受
他年骨壯自神全

蒙師旨去山東別燕京偶得一絕

西域歸來萬里餘
區區尚未得幽居
他時若到安閑處
靜掩柴扉不出廬

道藏輯要

葆光集

三

胃集十

和王道錄

物物知空任去來
頭頭心上覺花開
是非過耳休重問
道德終身莫下懷

又

教風普振遇長春
豈擇官寮與士民
箇箇攜將歸紫府
人人點化出紅塵

真人有天上人間四絕依韻奉和

天上真仙無事忙
人間愚昧自相妨
不知心是根源主
終日空勞禮十方

又